



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Regimine Ecclesiae Episcopalis In Octo Libros Distributus**

**Antonelli, Giovanni Carlo**

**Velitris, 1650**

In quo casu Clericus excommunicatus, suspensus, vel interdictus irregularitatem incurrat ob exercitium ordinis, & qua[n]do ab illa excusetur. Cap. X.

**urn:nbn:de:hbz:466:1-11401**

ad sacros ordines promoueri dū-  
modò in bigamiam nō inciderint  
cap. conuogatus de Conuers. Coniug.  
quod secundū aliquos procedit,  
siue vxores senes sint, siue iunio-  
res, itā franc. Marc. dec. 734. n. 22  
par. 2. Maior. de irregul. lib. 1. c. 34.  
num. 3. vers. in alijs autem, & alij  
apud Barbof. in d. cap. conuogatus  
nu. 2. sed alij rectius distinguunt,  
quod si vxor est senex, & non su-  
specta de incontinentia, tunc suf-  
ficat votum continentia ipsius in  
seculo cap. significauit eod. tit. si ve-  
rò est iuuenis, requiritur ingres-  
sus ipsius in Religionem cap. uxo-  
ratus, & cap. ad apostolicam de  
Conuers. coniug. itā Beilett. disquis.  
cleric. par. 1. tit. de Disciplin. cleric.  
§. 9. num. 19. Nau. in Man. cap. 22.  
nu. 52. ubi citat S. Thom. in 4. dist.  
37. ar. 2. itā etiam tenent alij apud  
Dian. par. 3. tr. 4. ref. 243. id autem  
fieri inequit, nisi interueniat con-  
sensus, & licentia Episcopi Diœ-  
cesani cap. si vir, & vxor. 27. q. 2. d.  
cap. significauit de Conuers. Con-  
iug.

21 An verò vir sacris initiatus ex  
legitima vxoris licentia manentis  
in seculo cum voto castitatis pos-  
sit simul cum ea habitare; Resp.  
affirmatiuè, si de incontinentia  
non sint suspecti, secus si essent  
suspecti: tunc enim nullatenus  
eis est permittendum, vt simul  
habitent Sanch. de matrim. lib. 7.  
disp. 39. num. 8. quem refert, & se-  
quitur Barbof. de offic. & pot. Episc.  
par. 2. all. 10. num. 44. & in d. capit.  
coniugatus num. 2. de Conuers. con-  
iug.

## S V M M A R I V M.

- 1 Ligatus maiori excommunicatione, suspensione, & interdictione irregularitate incurrit ob exercitium ordinis.
- 2 Irregularitatem similiter incurrit recipiens ordinem in excommunicatione maiori.
- 3 An tempore censura exerceat actum minoris ordinis incurrit irregularitatem.
- 4 Quid si excommunicatus recipiat ordines minores.
- 5 An suspensus ab ordine superiori intelligatur suspensus ab exercitio ordinis inferioris.
- 6 Quid operetur suspensio à Pontificalibus.
- 7 Suspensus ab ordine inferiori etiam quoad omnes superiores ordines manet suspensus.
- 8 Episcopus suspensus à collatione ordinum minorum potest conferre ordines maiores.
- 9 An si laicus vinculo censura obstrictus diuinis se ingerat, incurrat irregularitatem.
- 10 An suspensus ab administratione sacramentorum intelligatur suspensus à celebratione missæ.  
Suspensus à perceptione sacramentorum non fit irregularis ea recipiendo, ibidem.
- 11 Qui excusatur à culpa, excusatur ab irregularitate.
- 12 An Clericus à Iudice excommunicatus secundum publicas probationes, qui tamen innocens sit absque metu irregularitatis possit actum ordinis exercere.
- 13 Quid si fuerit iniuste, aut nul-

Z. liter

- liter contra regulas iuris excō-  
municatus.
- 14 Si excommunicatus occultus post  
quam fuit absolutus in foro cō-  
scientie celebrauerit, & po-  
stea eius excommunicatio inno-  
tescat, an sit condemnandus tā-  
quam irregularis.
- 15 An sit irregularis qui celebra-  
uit post appellationem interposi-  
tam à declaratoria.
- 16 Quid si exerceat actum ordinis  
sacri postquam appellauit à cō-  
minata excommunicatione.
- 17 An Clericus à suo Episcopo pro-  
hibitus sub pœna suspensionis,  
nē in aliena Diœcesi celebraret,  
incidit in irregularitatem, si ibi  
celebrauerit.
- 18 Quando subditus existens in  
alieno territorio possit censuris  
ligari à suo Episcopo.
- 19 An irregularitas incurratur,  
quando verba, quibus imponi-  
tur pœna excommunicationis,  
sunt ambigua.
- 20 An promotus per saltum fiat ir-  
regularis, si ministrauerit tan-  
tum in ordine, quem rite susce-  
pit.  
Quid si ministret in ordine præter-  
misso, ibidem.
- 21 Suspensus, vel interdictus su-  
scipiens ordinem sacrum an fiat  
irregularis.
- 22 An fiat irregularis clericus ad  
sacros ordines nō promotus, qui  
in missa canit epistolam sine ma-  
nipulo.  
Quid si cantauerit epistolam etiā  
cum manipulo, sed tamen no-  
luit id facere tanquam subdia-  
conus, ibidem.
- 23 An Episcopus incurrat censu-  
ras, quæ iure generali ferun-  
tur.
- 24 An Episcopus possit in irregu-  
laritate dispensare, & nu. 25.
- 26 An Parochus, vel alij confessa-  
rij possint absoluerè à suspensio-  
ne iure communi non reserua-  
ta.  
Et an ab ea possit absoluerè Episco-  
pus, ibidem.
- 27 An Parochus, vel alius confes-  
sarius absoluerè possit pœnitentem  
ab interdicto.
- 28 An incurrat irregularitatem sa-  
cerdos, qui sine legitima licen-  
tia sacras confessiones excipit.

## CAP. X.

In quo casu Clericus excommu-  
nicatus, suspensus, vel interd-  
ctus irregularitatem incurrat  
ob exercitium ordinis, & quan-  
do ab illa excusetur.



Clericus ligatus maio-  
ri excommunicatio-  
ne, suspensione, &  
interdicto regulari-  
ter fit irregularis, si  
actum ordinis exerceat, vt con-  
stat ex cap. 1 & cap. 15, cui de sent.  
excom. in 6. etiam si sit occultus,  
& toleratus; quia Concilium Cō-  
stantiense nullum priuilegium  
concessit excommunicatis, quam-  
uis occultis, vt notat Bonacin-  
de Censur. disp. 7. q. 3. pun. 5. nu. 1.  
quod etiam locum habet, quan-  
do quis in excōmunicatione maio-  
ri scienter, vel cum ignoran-  
tia

ria crassa, vel affectata ecclesiasticos ordines suscipit. *cap. cum illorum de sexti excomm. c. 1. de eo qui fert. ordin. suscep. Sylu. in ver. irregularitas nu. 4. Nau. in Man. c. 27. num. 243. & alij communiter.*

3 Observa tamen 1. quod supradicta conclusio procedit tantum, quando exercetur actus ordinis sacri secundum communem Doctorum sententiam: secus si tempore censurae exerceatur actus minoris ordinis, quia tunc irregularitas non incurritur; nam de consuetudine actus minorum ordinum a laicis etiã cum solemnitate exercentur, *ut post Tolet. Auil. & alios observat Bonac. loco cit. Dian. par. 4. tr. 2. res. 56. & 92. & alij recentiores communiter; quicquid dicat Nau. in Man. cap. 25. num. 76. & c. 27. num. 163. Quarant. in ver. ordo vers. secundo limita Bullett. Disquis. Cleric. tit. de Discipl. cleric. §. 5. n. 62.*

4 Addit Graff. *decif. cas. cons. p. 1. lib. 4. cap. 27. nu. 10.* quod nullam similiter contraheret irregularitatem qui in excommunicatione maiori ordines minores reciperet: sed contrarium videtur verius, quia textus in d. cap. cum illorum absolute loquitur; *Quare ita tenet Sylu. Tabien. & alij apud Bonacin. d. disp. 7. q. 3. pun. 4. nu. 1. nisi excommunicatus reciperet primam tonsuram, tunc enim non fieret irregularis, quia prima tonsura non est ordo, ut dicit idem Bonacin. de Censur. in par. disp. 3. q. 1. pun. 6. n. 3. & alij.*

5 Observa secundò, quod suspensus ab ordine superiori non intelligitur suspensus ab exercitio ordi-

nis inferioris: & ideo suspensus ab ordine sacerdotali, licet non possit exercere functionem propriam sacerdoti, quale est sacrificium, missa, collatio extremæ unctionis, benedictio sponsa &c. potest tamen exercere officium Diaconatus, vel Subdiaconatus. *cap. significavit de corp. oriat. Sylu. in ver. suspensio nu. 5. & suspensus ab exercitio Pontificalium solum intelligitur suspensus ab his, quæ dependent ab ordine pontificali, nõ ab alijs; unde exercere poterit iurisdictionalia, missam priuatam celebrare, confessiones audire, & alia facere sine ornamentis pontificalibus, ut dicunt Doctores, quos refert, & sequitur Ricc. in Praefor. eccles. par. 1. res. 450. Barbof. de offic. & pot. Episc. par. 2. all. 6. nu. 41 & 5. & alij apud Dian. p. 5. tr. 10. res. 4. ubi etiam dicit, quod suspensio a Pontificalibus per se, accide recte prohibet usum insignium Episcopaliũ; videlicet mitræ, baculi, & pallij; per accidens vero, & consecutiue omnia episcopalia solemnia officia, quæ sine huiusmodi insignibus exerceri nõ debent: qualia sunt ordines etiam minores conferre, confirmare, consecrare ecclesias, altaria, virgines &c. verum etiam si Episcopus in pontificalibus celebraret, adhuc non incurreret irregularitatem: tum quia sacrificium non est munus Episcopi, ut sic, sed sacerdotis, cuius exercitium per huiusmodi suspensionem ei non interdicitur: tum quia pontificalia nõ sunt de substantia celebrationis: tam quia talis irregulari-*

tas nō est in iure expressa itā glos. in cap. 2. ver. Sacerdotale de offic. de leg. in 6. Sylu. in ver. suspensio nu. 5. Dian. loco cit. d. ref. 4. vbi citat. Praeposit. in 3. par. q. 3. de susp. dub. 2. nu. 33. & itā etiam tenet alij apud Barbos. de offic. & pot. Episc. par. 2. alleg. 6. numero 19.

7 E cōtra verò suspensus ab inferiori etiam quoad omnes superiores ordines manet suspensus d. c. cum illorum de sent. excom. & ideo suspensus à Diaconatu Sacerdotale officium exercere non debet, & suspensus à Sacerdotio pontificalia non potest exercere Dian. p. 5. tr. 10. ref. 5. & alij apud Piafec. in Prax. Episc. par. 2. cap. 4. nu. 78. vbi addie cum. fel. in c. apostolica n. 13. de except. quod nullus suspensus incurrit irregularitatem contraveniendo suspensioni, nisi fuerit suspensus à diuinis. Notandum tamen est, quod si Episcopus esset suspensus à collatione iordinum minorum, tunc non solum conferre poterit primā tonsurā, quæ non est ordo, sed etiam alios ordines maiores: quia collatio ordinū est functio eiusdem potestatis, non verò vsus potestatis sublimioris; ac proinde conferendo maiorem ordinem, à quo non est suspensus, non censetur vti ordine sublimiori: quemadmodum suspensus ab audiendis confessionibus potest communi iudicio celebrare, etiam si hoc sit maius manus itā Coni ncb. de Sacram. disput. 15. dub. 2. numero 10. Layman. lib. 1. trad. 3. par. 3. cap. 1. num. 6. & alij apud Dian. par. 5. tr. 10. ref. 6.

9 Obserua 3. quod si laicus excō-

municatus diuinis se ingerat, nullam incurreret irregularitatem: quia intra loquuntur de exercente actum ordinis ex officio, quod solis Clericis, non laicis competit Bonacin. loco cit. d. pun. 5. num. 2. vbi citat Vgolū. Alter. & Reginald. cōtrarium tamen tenet Nau. cap. 27. num. 242. vers. septimo in fin. si laicus actum ordinis sacri serio, & vt ordinatus, seu solēniter exercent, quia tex. in cap. 1. de Cler. non ordin. min. videtur comprehendere tam Clericum, quam laicum: & hanc sententiam sequitur etiam Barbos. in cap. sicut dignum num. 37. de Homi. volunt. & alij apud Dian. p. 4. tr. 2. ref. 56.

10 Obserua 4. quod suspensus ab administratione Sacramentorum non suspenditur à celebratione missæ: quia celebratio missæ non solet comprehēdi sub administratione Sacramentorū, vt post Praeposit. d. Dian. par. 5. tr. 10. ref. 6. idē dicendum est de suspensio à perceptione Sacramentorum: non enim fit irregularitas ea recipiendo, quamuis peccet: quia in tali casu non violatur suspensio per exercitium ordinis sacri; perceptio enim non est officium diuinum, neque opus peculiariter ordini alicui additum Nau. d. cap. 27. numer. 163. vers. tertio Dian. vbi sup. ref. 26.

11 Obserua 5. quod ab huiusmodi irregularitate excusatur qui excusatur à culpa: cum enim irregularitas sit grauis pœna, non incurritur nisi ob graue peccatum c. apostolica de Cler. excom. min. & ideo quoties ratione necessitatis, vel scandalū vitandī, vel ignorantia,

vel

vel inaduertentiæ, vel obliuionis, vel alterius causæ quis excusatur à mortali, excusatur etiam ab irregularitate *Dian. p. 5. tr. 10. ref. 9. Bonacin. de Censur. disp. 7. q. 3. pun. 5. num. 1. & alij communiter.* Vnde si Sacerdos occultum homicidium commisit, & nisi missam celebret, in suspicionem sceleris veniet cum vitæ periculo, vel graui famæ dispendio, post peractam pœnitentiam celebrare poterit, quoties necessitas postulabit ad vitandam infamiam, aliudue graue periculum, & interim dispensationem à Papâ petere, & procurare debet, *ut d. Nau. cap. 27. num. 239 Layman. in Theol. mor. lib. 3. tr. 3. cap. 12. num. 6.* lex enim naturalis de defendenda sua famâ præponderat legi humanæ de abstinendo à sacro in irregularitate *Bonacin. de censur. disp. 2. q. 2. pun. 2. S. 1. n. 4. qui citat Suar. Sayr. Sot. Fillinc. & alios: idemque dicendum est, si in excommunicationem Papæ reseruatum incidit, ut dicunt Doctores, quos refert, & sequitur Mascin. in Pract. visit. infirm. pract. 4. dub. 35. & alij recentiores communiter.*

12 Obserua 6. quod irregularitatem non contraheret Clericus secundum publicas probationes à iudice excommunicatus, vel suspensus, qui tamen innocens sit, si deinde in excommunicatione, vel suspensione huiusmodi actum sui ordinis exerceret: quia canones, dum irregularitatem decernunt contra violantes censuram, intelligi debent, quando quis verè censuram contraxit *Layman. lib. 1. tr. 5. cap. 5.*

*num. 3. Bonacin. de censur. d. disp. 7. q. 3. pun. 5. num. 2. & alij.*

13 Idem dicendum est, si fuerit iniuste, aut nulliter contra regulas iuris excommunicatus, aut suspensus: tunc enim neque irregularitatem incurreret, si missam celebret, aut alium actum ordinis facri exerceat *Gaiet. in opusc. 10. 1. tr. 19. de excommunicatione q. 3. vers. ad secundam Layman. loco cit. c. 6. per tot. id tamen fieri potest in occulto, & sine scandalo Gaietan. in 2. 2. q. 70. ar. 4. vers. ad obiecta, ubi etiam dicit, quod illi, qui sciunt talem Clericum fuisse iniuste excommunicatum, possunt eidem seruire in missa, & cum eo participare in diuinis, secretò tamen, alias contemneretur ecclesiæ auctoritas, si publicè id fieret, cum excommunicatio etiam iniusta sit timenda, cap. pactoralis 9. quia verò de offic. deleg. nec efficeretur irregularis, si celebraret cum scandalo, quia irregularitas non ratione scandali, sed excommunicationis est inflicta; & idè cum verè excommunicatus non sit, non fit irregularis per exercitium ordinis sacri *Sayr. de Censur. lib. 1. cap. 16. num. 43. & 44. quem refert, & sequitur Vulp. in Prax. iudic. for. eccles. cap. 1. numero 22.**

14 Ita etiam si excommunicatus occultus postquam fuit absolutus in foro conscientie celebrauerit, & postea eius excommunicatio innotescat, non est condemnandus tamquam irregularis, si de absolute fidei faciat per confessarij testimonium, vel testes: quatenus possit puniri propter crimen.

*Nau.*

- Nan. conf. 3. de fid. Instrum. Laymā. d. tr. 5. cap. 7. num. 7. & ita seruari testatur Genuens. in Prax. Archiep. capit. 25.*
- 15 *Obsena 7.* quod irregularis non censetur qui celebravit post appellationem interpositam a declaratoria, siue a pronuntiatione Iudicis, qua declarat aliquem incurrisse in excommunicationem, latam ab homine, vel a iure: quia licet a sententia excommunicationis non detur appellatio quoad effectum suspensiuum *cap. is, cui de sent. excom. in 6.* datur tamen a sententia declaratoria etiam ad effectum suspensiuum, quia Iudex potest male declarare *glos. in cap. cupientes 9. in super. ver. priuatos de elect. in 6. & post. Dec. & sel. dicit Nanar. conf. 6. & conf. 9. num. 5. de sent. excom. vbi etiam notat, quod licet in facto vero notorio non possit appellari, ut in cap. cum sit Romana 9. preterea de appell. tamen a sententia Iudicis declarantis factum esse notorium posset appellari ob eandem rationem, quia Iudex potest male declarare, & ideo ad hoc citari debet reus *iuxta l. de unoquoque ff. de re iud. quia multa dicuntur notoria, quae non sunt cap. consuluit 1. de Appell. Quare non possunt affigi cedulones nisi post decem dies a die latae sententiae, si appellatio interposita non fuerit, ut obseruat Vulp. in Prax. Iudic. for. eccles. cap. 1. numero 25. & seq.**
- 16 Idemque dicendum est, si quis exerceat actum ordinis sacri postquam appellauit a comminata excommunicatione, & non obstante appellatione iudex cum excommunicauit: non enim in tali casu irregularitatem incurreret excedendo actum ordinis, etiamsi appellans non prosequatur appellationem: quia excommunicatio fuit ab initio nulla, ut lata post appellationem, & ideo non efficitur valida per non prosecutionem. *glos. in cap. saepe ver. rata manet de appell. Vulp. d. cap. 1. num. 31.*
- 17 *Obsena 8.* quod irregularis non est censendus Clericus prohibitus a suo Episcopo sub poena suspensionis, ne in aliena Diocesi celebraret, si hoc non obstante ibi celebraret: quia hoc casu neque suspensionem incurreret; tunc enim delictum inferioris physice, & moraliter consummatur in alieno territorio, vbi iudicentia non paritur impune *iuxta cap. ut animarum*
- 18 *de Constit. in 6.* secus si delictum committatur in proprio Episcopatu: quia tunc subditus existens in alieno territorio potest censuris ligari a suo Episcopo, ut si habens curam animarum non resideat, sed existat in aliena Diocesi, quia in tali casu omissio residentie fit in proprio Episcopatu *ita Dian. par. 5. tr. 9. ref. 37.*
- 19 *Obsena 9.* quod neque irregularitas incurritur, quando verba, quibus imponitur poena excommunicationis, vel suspensionis, sunt ambigua ita ut tam late sententiae, quam ferendae significationem importare possint: tunc enim accipienda sunt pro ferenda, cum sumus in materia penali: & ideo hoc casu non violatur excommunicatio, vel suspensio per exercitium or-

ordinis facti: quia censura ferenda sententia non incurritur ante sententiam Iudicis Bonacin. de Censur. disp. 1. q. 1. pun. 1. nu. 5. in fin. & num. 6. ver. tertia regula. Lezan. in Summ. qq. reg. to. 4. ver. poena ecclesiastica numer. 5. & alij communiter.

20. Obserua 10. quod promotus per saltum non fieret irregularis, si ministraverit tantum in ordine, quem ritè suscepit: nam ordinatus per saltum est suspensus tantum ab eo ordine, quem per saltum suscepit, & in hoc ministrando efficitur irregularis: non autè ab usu ordinum inferiorum, quos legitime suscepit, ut post Suar. Henric. & alios dicit Dian. par. 5. tr. 10. ref. 28. Bonacin. de Censur. in parti. disp. 3. q. 1. pun. 2. numer. 10. Barbof. de offic. & pot. Episc. par. 2. all. 47. num. 10: fieret verò irregularis, si ministraverit in ordine prætermisso cap. 1. & 2. de Cler. nõ ord. min. Sylu. in ver. irregularitas num. 14. Nau. cap. 27. num. 242.

21. Obserua 11. quod irregularitatem non incurreret suspensus, vel interdictus suscipiens ordinem sacrorum: tum quia susceptio ordinis non est functio ordinis: tum quia in cap. 1. de eo qui furt. ord. suscipit. & cap. cum illorum de sent. excom. loquitur tantum de excommunicato: tum etiam quia hæc irregularitas, non est in iure expressa Layman. in Theol. mor. lib. 1. tr. 5. cap. 3. nu. 5. & alij apud Dian. par. 4. tr. 3. ref. 92. vbi de communi. & apud Bonacin. de Censur. disp. 7. q. 3. pun. 4. nu. 2.

22. His adde, quod neque fieret

irregularis clericus ad sacros ordines non promotus, qui in missa canit epistolam sine manipulo, quamvis cum dalmatica Sylu. in ver. irregularitas num. 14. Dian. p. 4. tr. 2. ref. 56. Nau. in man. cap. 27. num. 242. vbi etiam ab irregularitate in foro anime excusat Clericum primæ tonsuræ, qui solemniter cantavit epistolam etiam cum manipulo, si noluit id facere tamquam subdiaconus, quia textus in cap. 1. de Cler. non ord. min. vbi decernitur irregularis qui vitatur ordine, quem non habet, intelligitur, quando eo vitatur serio, & vti ordinatus, ut notat etiam Sylu. in ver. irregularitas num. 14.

23. Sed quæres, an Episcopus incurrat censuras, quæ iure generali feruntur? Resp. Episcopum non incurrare poenam suspensionis, & interdicti, nisi de ipso fiat expressa mentio per cap. quia periculosum de sent. excom. in 6. incurrit tamen excommunicationem, & irregularitatem, quia in his nullo iure excipitur Dian. par. 4. tr. 2. ref. 53. vbi citat Hurtad. disp. 1. de Irregul. diff. 7. n. 26. Turrian. de Cens. lib. 8. disp. 59. dub. 1.

24. Quæres 2. an Episcopus possit in irregularitate dispensare? Resp. quod si proneniat ex delicto occulto, poterit dispensare vigore Conc. Tridentini sess. 24. de ref. 6. censetur autem delictum occultum, si censura sit occulta, quamvis celebratio sit publica. Nau. in man. capit. 27. numer. 241. vbi dicit ita fuisse definitum in sacra poenitentia, & alij, quos refert, & sequitur Bonacin. de Censur. disp.



*disp. 7. q. 5. pun. 1. num. 5. vers. dixi, prouenientibus, quibus adde Henriq. lib. 14. cap. 6. n. 5. in fin. Vgolin. de Gensur. cap. 39. num. 3. Coninch, disp. 18. dub. 5. nu. 43. & alios apud Barbof. de offic. & pot. Episc. par. 2. all. 47. num. 5.*

25 Obseruant tamen Doctores apud Dian. par. 5. tr. 10. ref. 27. posse Episcopum cum promotum per saltum dispensare, ut pratermissum ordinem suscipiat, & in ordine malè suscepto ministret, & ad superiores ascendat, etiam si delictum sit publicum: dummodò talis in malè suscepto ordine, vel in pratermissio non ministrauerit ante dispensationem; idque colligunt ex eodem Concilio sess. 23. de ref. cap. 14. in fin. ibi, cum promotis per saltum, si non ministrauerint, Episcopus ex legitima causa possit dispensare. immo Nauar. d. c. 27. num. 242. Bonacin. de Gensur. in part. disp. 3. q. 1. pun. 2. num. 12. putant, posse Episcopum in tali casu dispensare, etiam si ministrauerit, si id fecerit per ignorantiam excusantem à mortali culpa; sed hanc sententiam meritò reijciunt alij DD. apud Dian. loco cit. d. ref. 27. quia Concilium loco cit. Episcopo facultatem dispensandi concedit cum hac limitatione, si non ministrauerit, nec distinguit de ministrante scienter, vel ignoranter:

Quæres 3. An Parochus, vel alij confessarij possint absoluerè à suspensione iure communi non reseruata? Affirmat Viual. in suo Candelab. tit. de suspens. n. 31. & alij: sed negat Hurtad. de suspens. diff.

12. nu. 31, Henriq. lib. 13. cap. 33. n. 3. & alij apud Dian. p. 5. tr. 10. ref. 23. quorum sententia videtur verior; tum quia suspensio non impedit absolutionem à peccatis, sicut impedit excommunicatio; unde ab excommunicatione nemini reseruata possunt absoluerè iuxta cap. nuper de sent. excom. tum etià quia suspensio pertinet ad forum contentiosum, & ideo non auferitur per absolutionem, sed per dispensationem Sylu. in ver. suspensio nu. 8. Bonacin. de Gensur. disp. 3. q. 5. pun. ult. num. 6. potest autem auferri ab ordinario, qui habet iurisdictionem in foro exteriori, dummodò non sit reseruata Sylu. loco cit. & alij apud Dian. d. ref. 23. quod intellige, vbi quis suspensus est à iure indefinitè nullo designato termino, secus vbi terminus suspensioni adijcitur, puta si suspendatur ad annum, vel ad triennium; tunc enim Episcopo dispensare non licet Gutier. canon. lib. 1. cap. 5. nu. 6. quem refert, & sequitur Barbof. de offic. & pot. episc. par. 2. all. 32. nu. 166. Si verò talis absolutio reseruetur Papæ, & delictum sit occultum, potest similiter Episcopus absoluerè vigore Concilij Tridentini d. sess. 24. c. 6. et notat etiam Dian. loco cit. Bonac. loco cit. d. pun. ult. nu. 5.

27 An verò Parochus, vel alius Confessarius absoluerè possit peccitentem ab interdicto? respond. quod potest absoluerè ab interdicto personali particulari non reseruato, modò satisfaciat, vel satisfaciendi cautionem præstet: quia huiusmodi interdictum non

non minus, quam excommunicatio prohibet à perceptione sacramentorum *Coninch. de Sacram. disp. 7. dub. 6. numer. 7. Hurtad. tract. de interdict. diff. 16. nu. 47. Mercer. in 3. p. q. 24. de interdict. dub. 8. & alij apud Dian. par. 5. tr. 10. ref. 71. & communem dicit Bonaccin. de Censur. disp. 5. pu. ult. n. 6.* non tamen posset absolueri ab interdicto locali, seu personali generali, quia dispensatio in tali casu spectat ad forum externum, ut dicit Bonaccin. loco cit:

28 Quæres 4. an sacerdos, qui sine legitima licentia sacras confessiones excipit, incurrat irregularitatem? Resp. negativè, quia irregularitas incurritur à exercente ordinem, quem quis non habet: sed sacerdos in hoc casu non exercet actum ordinis, quem non habet, cum verè sit sacerdos; sed potius dicitur exercere actum iurisdictionis, quam non habet, & ideo non erit irregularis, cum non sit lata in iure irregularitas contra exercentes actum iurisdictionis alienæ, ut post *Henriq. Coninch. & alios d. Bonaccin. de Censur. disp. 7. q. 3. pun. 6. num. 6. Dian. par. 4. tr. 2. ref. 89:* ubi idem dicit, si talis sacerdos ministraverit extremam unctionem. Sed hæc intellige, dummodò talis sacerdos excommunicatus, suspensus, aut interdictus non sit: si enim in tali censura hæc ageret, fieret irregularis, quia talis ministratio est actus deputatus ordini sacro, ut d. *idem Dian. ubi supra ref. 90. & alij communiter.*

## S V M M A R I V M.

- 1 Clerici promoti ante legitimam ætatem, vel absque litteris dimissorijs, vel extra tempora sunt ipso iure suspensi ex constitutione Pij II.
  - 2 Quid si ordines minores suscipiant.
  - 3 An qui ante legitimam ætatem, vel sine dimissorijs & c. ordinatur ad Sacerdotium, fiant irregulares consecrando cum Episcopo.
- Et quid si canant Epistolam, vel Evangelium in eadem missa. ibidem.
- 4 An taliter ordinati incurrant irregularitatem, si bona fide in susceptis ordinibus ministraverint.
- Quid si absoluti fuerint à suspensione propter defectum ætatis contracta, & deinde celebraverint non impleta adhuc ætate.
- 5 An eadem irregularitate ligentur, si exercent actus solum in Sacerdotio constitutis convenientes per aliquod Ordinis statutum.
  - 6 An suspensus ab aliquo ordine incurrat irregularitatem, si ad altiorem ordinem ascendat.
  - 7 An suscipiens ordinem ante legitimam ætatem, possit absque dispensatione exercere actum ordinis postquam ad legitimam ætatem peruenerit.
  - 8 An Episcopus possit dispensare cum suo subdito ordinato ante legitimam ætatem, vel absque dimissorijs, vel extra tempora.
  - 9 An Episcopus possit dispensare
- As cir.